

浪穹縣志

浪穹縣志

卷三建置志

沿革

城公署

塘鋪

附哨

守橋梁

卷四賦役志

田賦

經費積貯附

水利

卷五學校志 學宮

書院 義學附

卷六祠祀志 典祀

羣祀 寺觀坊表附

浪穹縣建置沿革表

兩漢
三國

晉

宋

齊

梁

隋

唐

宋

元

明

葉榆

青蛉

二縣

地

初為

浪穹

詔永

昌初

置州

後併

於南

詔亦

曰浪

穹州

貞元

中南

詔破

劍浪

以浪

穹施

浪鄧

賤總

三浪

為浪

穹州

仍入

鄧川

州

置鳳

羽縣

省入

浪穹

縣

鐸羅 望立 興南 詔戰 不勝 挈其 部保 劍川 更稱 劍浪 蒙氏 置鳳 縣

憲宗 七年 立浪 穹千 戶隸 大理 上萬 戶至 元十 一年 改為 縣隸 鄧川 鳳羽 縣屬 鄧川

建置志敘

古者建邦設都因革損益布置周詳要在制與時宜而已漢於葉榆置益州浪邑附焉至唐割據仍列為詔固隱然一國也蒙氏併之立浪穹州設險以守其制度沿革殆不可考元入版圖立浪穹千戶後改為縣與鳳羽縣俱屬鄧川州明復廢鳳羽併為一縣我朝因之內謹藩籬外資捍衛仍以縣隸於府自城隍官解及於關津汎守規畫益密而嚴俾熙熙攘攘者得以往來貿易利涉無憂萑苻絕迹非浪邑之幸與所

望於保障得人相繼而恢廣之彈丸固於金湯矣

浪穹縣志卷三

知縣樊肇新纂輯

沿革

山川亘古不易也至其為郡為縣或分或合則各因其地之險夷時益難易而因之革之藉以收指臂之效焉爾哉

朝統馭區夏規畫實超千古而已往興廢之迹則考古者所不能已於蒐羅也志沿革

漢光武帝時浪在葉榆為西部屬至唐而為六詔曰

蒙舍

今蒙化廳

曰浪穹曰鄧賧今鄧州曰施浪

即縣之蒙曰

越析

今麗江府

曰蒙雋

今四川寧遠府

各受唐爵為諸州刺史屬

於姚州都督府受劍南節度使節制

資治通鑑

則天

永昌元年浪穹州蠻酋傍時昔等二

十五部先附吐蕃至是來降以傍時昔為浪穹州刺

史令統其衆

唐書南蠻傳浪穹詔其主豐時死子羅鐸立羅鐸死

子鐸羅望立為浪穹州刺史與南詔戰不勝挈其部

保劍川更稱劍浪

唐元宗勅浪穹州刺史鐸羅望

詔姚州管内大酋長那旁時嫡孫鐸羅望卿之先祖
輸忠奉國遽聞殂逝深慘於懷言念邊人必借撫綏
又逼蕃界兼資鎮遏卿宜繼承先業以副朕心故遣
宿衛首領王白於姚州都督達奚守珪計會就彼吊
慰授卿襲浪穹州刺史並賜綾三百疋至宜領取秋
中已涼卿及守領以下並平安好遣指不多及

按浪穹詔主豐時通鑑則為傍時昔唐敕又云那
旁時所紀互異考之樊綽蠻書及尸仇寬南詔世
系其為豐時無異

元史地理志貞元中南詔破劍浪以浪穹施浪澄賧
總三浪為浪穹州

又元憲宗七年内附立浪穹千戶隸大理上萬戶至
元十一年降為縣隸鄧川州

明史地理志洪武十五年三月置鳳羽縣屬鄧川州
尋省入縣

按蒙氏先置鳳羽縣段氏因之

舊雲南通志康熙二十六年裁大理衛分境屯賦併

縣後改隸本府

按浪穹與雲龍五井壤地相連舊因浪穹糧賦原
編二十五里萬歷十八年新議正官入覲知縣李
在公致經兩覲之勞官民重困三十三年邑人何
邦漸為免覲計議將山后六里割歸雲龍請設流
官牒呈於上而五井殷實之衆又慮設官增賦密
阻不行四十二年金滄分巡張文耀至值雲龍段
酋爭亂士民復申前議轉白上官撫軍周嘉謨方
伯李燾廉使毛堪允議會題添設雲龍流官割去
浪糧六里及十二關箭桿場上五井順邊井五巡

檢司正官始免入覲并裁去縣丞及蒲院嶮上下
二江三巡檢司有題准免覲碑載舊志

城池

國家修城鑿池所以衛民也雖在偏隅亦必有所以資保聚者焉然而有形之險固為可恃曷若進鋤耨棘矜之民而結之以恩教之以義庶幾衆志成城云

志城池

浪穹舊無城明萬歷三年知縣李之一始築土城周二里三分高一丈一尺東面寧湖無池二十四年知縣王承欽毀西門設下北門四面各有樓康熙三十一年攝縣事通判黃元治增修歲久傾圯雍正八年

知縣張坦重修乾隆三年知縣伍福展增修並增建
城樓三十五年寧湖水漲東南北三面城圯四十四
年知縣蘓梧捐修嘉慶八年十一年十三年疊被水
淹東南北三面城牆及東門下北門復圯俱經通詳
列入緩修案內道光十四五年南北兩城樓先後傾
圯二十二年知縣樊肇新修葺南門其餘俟籌經費
陸續修補

公署

公署之設亦以肅體統資出治也豈必金鋪玉題崇
尚侈靡哉然而好廣廈者每不安於卑狹而守儉素
者又或視為傳舍而莫之或惜也抑又甚矣志公署
知縣署 舊志初在北門外潁州巷洪武十七年知
縣全文舉遷建於內枕北向南廳堂廨宇皆備萬歷
癸巳知縣王承欽條議詳允改為東向崇禎甲申火
堂焚毀順寧府通判謝天祿來攝縣事出貲鼎建
國朝康熙二十五年知縣趙珙雍正五年知縣張坦繼

修至嘉慶十二三年水患傾圮經署縣陳煒知縣熊
夢占先後詳請借廉修理奉文奏准在案嗣以無閒
款可動未經興工後各任俱隨時補葺至道光十八
年地震坍塌損壞大小屋宇六十四間照牆一座十
九年知縣樊肇新詳請借廉修理俱如舊制
常平倉 昔為縣丞署今立為倉儲神祠科房門闌
斗級房皆備十八年地震坍塌十九年知縣樊肇新
詳請動項修理計八廩一十四間曰盈寧曰大有曰
裕字曰豐字曰永慶曰福惠並移倉神祠於西面東

向

縣監獄

舊在南科房後嘉慶十三年水淹坍塌寄

住舊社倉十九年知縣樊肇新詳請動帑修理仍移

建舊址計獄神祠一間廚房一間監房三間女監一

間外更房一間更道圍牆俱備

典史署 舊在縣署左水災後未經修復今借居城

南關帝廟

教諭訓導署

在學宮兩旁教諭署久已傾圮今居

明倫堂下兩齋